

Nr. 2504/027 K (e-k) Prot.
Tiranë, më datë 17/04/2025

Drejtuar: Komisionit Qendror të Zgjedhjeve

Komisionerit Shtetëror të Zgjedhjeve
Z. Ilirjan CELIBASHI

Lënda: DENONCIM Nr. 14 – Lidhur me mos marrjen dhe mos publikimin e Vendimeve të Kryetarëve të Bashkive për vendet e afishimit të materialeve propagandistike për fushatën zgjedhore në 20 Bashki të vendit.

I nderuar z. Komisioner!

Të nderuar Drejtues të Administratës së KQZ-së!

Neni 79 i Kodit Zgjedhor “Afishimi i materialeve propagandistike” në pikën 1 të tij përcakton se “Jo më vonë se 35 ditë para datës së zgjedhjeve, kryetari i bashkisë, në mënyrë të drejtë dhe të paanshme, përcakton vendet publike në territorin e bashkisë përkatëse për afishimin prej partive politike dhe subjekteve zgjedhore të materialeve propagandistike. Vendet e caktuara duhet të jenë në ambiente që sigurojnë shikueshmëri publike dhe të kenë hapësirë të mjaftueshme ku të gjitha subjektet zgjedhore që marrin pjesë në zgjedhje të paraqesin programet e tyre zgjedhore dhe mesazhet zgjedhore. **Vendimi i kryetarit të bashkisë bëhet publik në faqen e internetit të bashkisë menjëherë pas miratimit.**”

Lidhur me këtë çështje dhe në zbatim të Kodit Zgjedhor, Komisioneri Shtetëror i Zgjedhjeve (KSHZ) ka miratuar:

- Udhëzimin Nr. 6 datë 23.03.2021 “Për përdorimin e materialeve propagandistike e edukuese dhe rregullat për afishimin e tyre gjatë fushatës zgjedhore”, i cili në nenin 3, pika 7, përcakton detyrimin ndaj çdo Kryetari Bashkie që, pas miratimit të vendimit, **t’i njoftojë një kopje të tij Komisionerit Shtetëror të Zgjedhjeve brenda 24 orëve** nga miratimi i tij.

- Vendimin nr. 415 datë 08.04.2025 “Për rregullat dhe kriteret e ndarjes së hapësirave reklamuese zgjedhore në billboard dhe city lights në mënyrë të barabartë”, i cili gjithashtu përcakton se hapësirat e lejuara për reklama janë billboardet, city lights, dhe ekranet digjitale reklamuese të vendosura në hapësirat publike, si dhe detyrimin e **bashkive të hartojnë një listë të hapësirave të lejuara për reklamat zgjedhore dhe menjëherë ta publikojnë atë në faqet zyrtare përkatëse**, si dhe të njoftojnë subjektet zgjedhore dhe Komisionin Qendror të Zgjedhjeve.

Address:

Rr. "Ymer Kurti",
Nd.4, H.2, Ap.3,
Nj.Adm.5,
Tirana

Mailingaddress:

P.O.Box. 2396
Tirana, 1001,
Albania

KRIIK ju sjell në vëmendje se gjithë parashikimet e Kodit Zgjedhor dhe akteve nënligjore të miratuara prej KQZ, lidhur me materialet propagandistike, kanë për qëllim **garantimin e barazisë së palëve në garë, si dhe të një ambienti jo të ngarkuar me postera dhe reklama politike statike.**

KRIIK i ka kushtuar vëmendje monitorimit të këtij procesi deri në këtë fazë të tij, kur do të duhej të ishin miratuar dhe publikuar vendimet e Kryetarëve të Bashkive për caktimin e vendeve për afishimin prej partive politike dhe subjekteve zgjedhore të materialeve propagandistike.

Sikurse ligji parashikon, **Kryetarët e Bashkive duhet të marrin vendimin, ta publikojnë atë, si dhe të dërgojnë një kopje të tij** në Komisionin Qendror të Zgjedhjeve.

Nga monitorimi i faqeve zyrtare në internet të 61 bashkive, si dhe i protokollit publik të KQZ-së në faqen zyrtare të saj, rezulton se **20 Bashki** (sipas listës më poshtë) **nuk kanë publikuar në faqet përkatëse të internetit dhe as kanë dërguar në KQZ vendimin për përcaktimin e vendeve publike** në territorin e bashkive të tyre, në funksion të afishimit të materialeve propagandistike prej subjekteve zgjedhore, duke shkelur kështu dispozitat e ligjit.

Në opinionin e KRIIK dhe bazuar në përvojën e proceseve të mëparshme zgjedhore, **mos publikimi dhe mos dorëzimi në KQZ i vendimit është një tregues se këto vendime ende nuk janë marrë nga ana e këtyre Bashkive**, duke shkelur afatin e përcaktuar qartësisht në Kodin Zgjedhor.

Ky afat nuk është në asnjë rast thjesht orientues, por **është përmbajtësor pasi parashikon miratimin dhe publikimin e menjëhershëm të Vendimit së paku 5 ditë përpara fillimit të fushatës zgjedhore**, fushatë e cila ka shtatë ditë që ka filluar tashmë.

Minimumi prej 5 ditësh është konsideruar i domosdoshëm prej ligjvënësit për të bërë të mundur informimin e tërë subjekteve zgjedhore dhe kandidatëve të tyre mbi vendet publike të përcaktuara në territorin përkatës të bashkisë, në mënyrë që ata të mund të ushtrojnë lirisht dhe në kushte të barabarta të drejtën për të bërë propagandën e fushatën e vet zgjedhore.

Madje, Ligji detyron se vendet e caktuara duhet të jenë në ambiente që sigurojnë shikueshmëri publike dhe të kenë hapësirë të mjaftueshme, ku të gjitha subjektet zgjedhore që marrin pjesë në zgjedhje të paraqesin programet e tyre zgjedhore dhe mesazhet zgjedhore.

Moscaktimi i vendeve publike për afishimin e materialeve propagandistike përbën **shkelje të nenit 79, pika 1, të Kodit Zgjedhor**, ndërsa mosdorëzimi i vendimeve në KQZ **përbën shkelje të nenit 3, pika 7 të Udhëzimit 6/2021 “Për përdorimin e materialeve propagandistike dhe edukuese dhe rregullat për afishimin e tyre gjatë fushatës zgjedhore”**, shkelje këto të kryera nga persona të ngarkuara me detyra nga **Kodi Zgjedhor e që konkretisht janë Kryetarët e Bashkive të mëposhtme:**

Address:

Rr. "Ymer Kurti",
Nd.4, H.2, Ap.3,
Nj.Adm.5,
Tirana

Mailingaddress:

P.O.Box. 2396
Tirana, 1001,
Albania

1. [Bashkia Bulqizë;](#)
2. [Bashkia Dibër;](#)
3. [Bashkia Dropull;](#)
4. [Bashkia Elbasan;](#)

5. [Bashkia Këlcyre](#);
6. [Bashkia Klos](#);
7. [Bashkia Konispol](#);
8. [Bashkia Libohovë](#);
9. [Bashkia Librazhd](#);
10. [Bashkia Malësi e Madhe](#);
11. [Bashkia Maliq](#);
12. [Bashkia Memaliaj](#);
13. [Bashkia Peqin](#);
14. [Bashkia Poliçan](#);
15. [Bashkia Pustec](#);
16. [Bashkia Rrogozhinë](#);
17. [Bashkia Shijak](#);
18. [Bashkia Skrapar](#);
19. [Bashkia Tepelenë](#);
20. [Bashkia Tiranë](#);

Bashkëlidhur këtij Dokumenti gjeni Lidhjet përkatëse (nga numri 1 në 20 sipas renditjes së mësipërme), ku paraqiten printscreen-et e faqeve të internetit për secilën nga këto Bashki.

Referuar sa më sipër, **KRIIK i kërkon Komisionit Qendror të Zgjedhjeve** që, bazuar në nenin 171, pika 1, të Kodit Zgjedhor

të marrë masa administrative ndaj Kryetarëve të Bashkive të cilat **kanë kryer tre shkeljet e mësipërme:**

- **Mos marrjen e vendimit;**
- **Mos publikimin e tij;**
- **Mos njoftimin dhe mos dërgimin e vendimit në KQZ.**

KRIIK thekson se KQZ-ja duhet të angazhohet maksimalisht në përmbushje të detyrimeve që i jep ligji, për të ndërprerë moszbatimin e ligjit dhe **kthyer ligjshmërinë për tre javët e mbetura të fushatës zgjedhore, duke siguruar zbatimin e parimeve dhe standardeve që dikton Kushtetuta dhe Ligji** në krijimin e kushteve të duhura dhe të barabarta për kryerjen e fushatës zgjedhore prej subjekteve zgjedhore dhe kandidatëve të tyre.

Nisur nga precedentët e mëparshëm, **KRIIK i bën thirrje KQZ-së që**, pavarësisht nëse Bashkitë e mësipërme do të pretendojnë se këto vendime janë marrë më parë apo edhe janë dërguar në rrugë të tjera për njohje drejt KQZ-së, **të marrë në konsideratë dëmin tashmë të kryer e të efekteve të pakthyeshme dëmtuese e ndikuese** në fushatën zgjedhore vetëm **duke u bazuar në një nga shkeljet, mos publikimin e Vendimit të marrë në faqen e internetit.**

Madje në këtë pikë **nxitet KQZ-ja që të bëjë sa më parë**, pas marrjes së këtij denoncimi, **verifikimet veta e të duhura në faqet përkatëse të internetit.**

Address:

Rr. "Ymer Kurti",
Nd.4, H.2, Ap.3,
Nj.Adm.5,
Tirana

Mailingaddress:

P.O.Box. 2396
Tirana, 1001,
Albania

Theksohet se ndryshe nga më parë, **Administratat përkatëse të Bashkive janë të mirëinformuara më së miri mbi detyrimet e ligjit lidhur me këtë çështje**, ndaj konsiderohet e pavend zemërgjerësia e KQZ-së pas dy proceseve të mëparshme zgjedhore, trajtimit gjerësisht të kësaj çështje në zgjedhjet pararendëse, por edhe duke marrë në konsideratë kujtesën “Mbi përcaktimin e vendeve publike për afishimin e materialeve propagandistike të fushatës zgjedhore të subjekteve zgjedhore” të bërë nëpërmjet shkresës me nr. 2210 prot që vetë KQZ-ja u ka nisur atyre datë 27.03.2025.

Në këto kushte, **gjykohet se një sjellje e tillë sfiduese ndaj ligjit dhe vetë Komisionit Qëndror të Zgjedhjeve nuk është e rastësishme**, ndaj çdo lloj justifikimi që mund të serviret gjatë hetimit administrativ duhet të konsiderohet i papranueshëm.

Nga ana tjetër **rekomandohet që KQZ-ja**, brenda kompetencave që i njeh ligji, të **urdhërojë urgjentisht publikimin e vendimit** në faqet zyrtare të internetit dhe **detyrimin e Bashkive për të bërë publike në mediat lokale përmbajtjen e tij**, për të njohur sa më parë garuesit në zgjedhje, por edhe të gjithë qytetarët, mbi detyrimet që përcakton ligji.

Duke ju falënderuar edhe njëherë për mirëkuptimin dhe bashkëpunimin në vazhdimësi,

Me konsideratë,

**Për Koalicionin Për Reforma, Integrim
dhe Institucione të Konsoliduara (KRIIK)**

**Premto Gogo
Kryetar**

Address:

Rr. "Ymer Kurti",
Nd.4, H.2, Ap.3,
Nj.Adm.5,
Tirana

Mailingaddress:

P.O.Box. 2396
Tirana, 1001,
Albania